

IN MEMORIAM

ANTO KALAŠ, GEOMETAR



Poslije kratke, a teške bolesti u Sarajevu je 16.o2.1981.godine preminuo geometar Anto Andrije Kalaš.

Anto Kalaš rodjen je u Sarajevu 12.o9.1943. godine.

Srednju geodetsku školu je završio takodjer u Sarajevu. Poslije završene škole izvjesno vrijeme radio je van struke, a od 9.o6.1971.godine zaposlen je u preduzeću "Bosnaputevi" u Sarajevu.

Radio je kao geodetski stručnjak, na poslovima putogradnje. Već po samoj prirodi posla, više vremena u godini proveo je na terenu nego kod kuće, sa svojom porodicom. Radio je na radilištima Trebinje, Sokolac, Kupres, Zenica. Sve geodetske poslove koji prate izgradnju puteva i pratećih objekata, radio je stručno i savjesno.

Bio je član Saveza komunista. U sredini u kojoj je radio bio je vrlo omiljen kao dobar drug, radnik i prijatelj.

Preranom smrću druga Ante porodica je izgubila oca, supruga i brata, radni kolektiv vrijednog radnika i dobrog čovjeka.

Neka mu je vječna slava i hvala!